

**Uunga siunnersuut: Aningaasarsianit akileraarutit pillugit Inatsisartut inatsisaata  
Ilanngortinneqarneranik Inatsisartut inatsisaat nr. xx, xx xx 2016-imeersoq  
(Soraarnerussutisiaqarnissaq siunertaralugu ileqqaakkat, kinguaariinnut tullermut ni-  
kisitsinermi aningaasanut killiliussamik qaffaaneq)**

**pillugu**

**Aningaasaqarnermut Akileraartarnermullu Ataatsimiititaliap**

**inatsisissatut siunnersuutip aappassaaneerpeqarneranut**

**ISUMALIUTISSIISSUTAA**

Ataatsimiititaliap suliarinninnermini ilaasortarai:

Inatsisartunut ilaasortaq Jens Immanuelson, Siumut, siulittaasoq  
Inatsisartunut ilaasortaq Aqqaluaq B. Egede, Inuit Ataqtigiit, siulittaasup tullia  
Inatsisartunut ilaasortaq Suka K. Frederiksen, Siumut  
Inatsisartunut ilaasortaq Steen Lyng, Atassut  
Inatsisartunut ilaasortaq Tillie Martinussen, Demokraatit  
Inatsisartunut ilaasortaq Peter Olsen, Inuit Ataqtigiit  
Inatsisartunut ilaasortaq Sara Olsvig, Inuit Ataqtigiit

UKA 2016-imi ulloq 22. september siullermeerinninnerup kingorna ataatsimiititaliap siunnersuut misissorpaa.

**1. Siunnersuutip imarisaa siunertaalu**

Inatsisissatut siunnersuut soraarnerussutisiat pillugit inatsisinik ineriartortitsinerup, utoqqaliner-  
nersiutit pillugit inatsit UKA 2015-imi aaqqissuuteqqinneqarmat aallartinneqartup, aammalu  
soraarnerussutisiaqarnissamut aaqqissuussinernut nunani allaniittunut akiliutit akileraaruser-  
neqartalernissaannik UPA 2016-imi akuersissutigineqartumik malitseqartup ilagaa. Aamma  
inatsisissatut siunnersuut soraarnerussutisiaqalernissamut pinngitsoorani ileqqaarnissamik  
aaqqissuussinerit pillugit inatsisissatut siunnersuummut uunga ilutigitillugu saqqummi-  
unneqartumut attuumassuteqartinneqassaaq.

Inatsisissatut siunnersuutip pingaarnertut siunertaraa aningaaseriviit soraarnerussutisiaqarnis-  
samut sillimmasernissamullu aaqqissuussinernik aaqqissuussaasumik neqerooruteqarsinnaa-  
nissaannik periarfissiinissaq. Tassa imaappoq soraarnerussutisiaqarnissamut ileqqaakkat ani-  
ngaasaqarnikkut ingerlatsivinni, Finanstilsynimit akuersissummik peqarlutik Kalaallit Nu-  
naanni aningaaseriveqarnermik ingerlatsisuni pilersinneqarsimasut akileraaruserneqartarnerisa

naligiimmik pineqarnissaat siunnersuutip matuma siunertaraa.

Soraarnerussutisiaqarnissaq siunertaralugu ileqqaakkanik, aningaaserivinni Kalaallit Nunaanni angerlarsimaffeqartuni imaluunniit aalajangersimasumik ingerlatsiveqartuni pilersitsisinaaneq siunnersuutikkut periarfissaalissaq.

Siunnersuutaavoq kinguaariinnut tullernut nikisitsinermi akileraarusiinissamik kinguartitsinermi aningaasanut killiliussat 350.000 kr.-inut qaffanneqassasut. Aningaasat amerlanerpaaffissaasa killinganik qaffaanermut ilutigitillugu akuersisarnerup ukiunik qulinik killilerneqarnissaa aammalu aningaasat katillutik amerlanerpaaffissaannik 3.500.000 kr.-inik atuutilersitsinissaq siunnersuutaapput. Tassuunakkut siunertarineqarpoq aqqissuussinerup inussutissarsiutinik akileraarusiisarneq pillugu maleruagassanik sakkukillisisivallaannginnissaa.

Soraarnerussutisiaqarnissamut aningaasaateqarfinnut nunani allaniittunut akileraaruseereernani akiliutit maannakkorpiaq aningaasarsiat ineqarnermut tapiissutinut, siusinaartumik pensionisianut utoqqalinersiutinullu atatillugu naatsorsorneqarneranni ilanngunneqannginnissaannik aalajangersaanissaq siunnersuutaavoq. Ineqarnermut tapiissutinik, siusinaartumik pensionisianik utoqqalinersiutinullu pissarsisartut taamaaliornikkut ullumikkutut inissisimassapput.

Aaqqiissutissamik ataavartussamik, inatsisinik taaneqartunik inatsisinillu aningaasarsiat akileraaruteqaataasussat tunngavigalugit tunniussa qarfiusartunik imaqtartussamik 2017-ip ingerlanerani saqqummiussinissartik Naalakkersuisut naatsorsuutigaat.

## **2. Siunnersuutip Inatsisartunit siullermeerneqarnera**

Siunnersuut siullermeerinninnermi amerlasuunit taperseerineqarpoq.

## **3. Tusarniaaneq**

Siunnersuut piffissami 6.6.2016-imit 4.7.2016-imut ukununga tusarniaassutigineqarpoq: SISA, PFA Soraarneq, Sulisitsisut (GE), KANUKOKA, Kommuneqarfik Sermersooq, GrønlandsBANKEN, Bank Nordik, Inuussutissarsiornermut, Suliffeqarnermut Niuernermullu Naalakkersuisoqarfik, Ilaqutariinnermut, Naligiissitaanermut, Isumaginninnermut Inatsisinillu Atuutsitsinermut Naalakkersuisoqarfik, SIK. Naalakkersuisut tusarniaaneq pillugu allakkiaannut ilaapput Grønlandsbankenimit, Kalallit Nunaanni Sulisitsisunit (GE), SISA-mit aamma KNAPK-mit tusarniaanermut akissutit.

Tusarniaanermut akissutit tiguneqartut siunnersuummut nassuiaatini Naalakkersuisunit nassuiaatigineqarlutillu oqaaseqarfigineqarput. Tusarniaanerup ingerlanneqarneranut ataatsimiititaliaq allanik oqaaseqaatissaqanngilaq.

## **4. Ataatsimiititaliap siunnersuummik suliarinninnera**

Tusarniarneqartut akissutaasa pingaarutillit ilaat Naalakkersuisunit tigulluarneqarsimasut maluginiarini ataatsimiititaliap aallarniutigalugu oqaatigissavaa. Ataatsimiititaliamit maluginiarneqarpoq inatsisissatut siunnersuut, siuliani oqaatigineqartutut soraarnerussutisiaqarnissa-

mut aaqqissuussinermut pinngitsoorani ilaanissaq pillugu inatsisissatut siunnersuummut (UKA 2016/19) ilutigalugu saqqummiunneqartumut atatillugu aamma isigineqartussaq, tusarniarneqartunit nalinginnaasumik tigulluarneqartoq.

Grønlandsbankenimit GE-millu tusarniaanermut akissutit ataatsimiititaliamit immikkut maluginiarneqarput, takkunani isumaginninnikkut tunniuttakkat ilanngaateqartinneqarsinnaanerannik ajornartorsiutit aammalu utoqqalinissamut ileqqaarnissamut kajumissuseqarnissap pingaaruteqarnera tikinneqarput. Tassunga Naalakkersuisut ima oqarput:

*"Utoqqalinissamut ileqqaarnissap pilerinartuunissaa Naalakkersuisut ilisimaaraat. Utoqqalinersiutit pillugit Inatsisartut inatsisaata nutaap siunertaasa ilagaat inuit ataa-siakkaat soraarninngornissaminnut nammineerlutik ileqqaagaqarnissaannik pilerinarnerulersitsinissaq. Tamanna saniatigut aningaasarsiat ikilisikkiartuaarnissaannik allannguinnikkut pivoq. Taamaattoqarnissaa aamma isumaginninnerup tungaatigut inatsisit allat allanngortinneqarnerinut atatillugu ilaajumaarpoq."*

Soraarnerussutisiaqarnissamut aaqqissuussinermut pinngitsoorani ilaanissaq pillugu inatsisissatut siunnersuummut isumaliutissiissutini ataatsimiititaliap matumani innersuussutigissavaa, tassani pineqartoq erseqqinnerusumik tikinneqarmat.

Kiisalu tusarniaaneq pillugu allakkiami allassimavoq:

*"Grønlandsbanken naliliivoq soraarnerussutisiaqarnermut tunngasut, soraarnerussutisiaqarnissamut pinngitsoorani ileqqaartussaataaneq pillugu inatsiseqar-neq ilanngullugu ima annertutigisut, allaat piareersarluarnerunissaq aammalu toqqaannartumik malitsigisaanillu sunniutissat paasilluarnerunissaat pisariaqar-tut. Taamaammat aningaaseriviup tusarniaanermut akissutaa tamakkiisuusut isigineqassanngilaq, misissueqqinnerimmi ajornartorsiutinik nutaanik qulaarisin-naapput. Taamaammat siusinnerusukkut oqaatigeriikkatsituut inassutigilluinnassa-varput ilimasaqarluartunik inuttalimmik ataatsimiititaliortoqassasoq, soraarnerus-sutisianut tunngasunik aamma "soraarnerussutisiaqarnissamut pinngitsoorani ileqqaartussaaneq" aamma "Soraarnerussutisiaqarnissamut aningaaserivinni ileq-qaarneq" pillugit inatsisiliarineqartunik, kingunerisassaannik inatsisinullu allanut attuumassuteqarnerannik qulaajaasinnaasumik."*

Tassunga Naalakkersuisut ima oqaaseqarput:

*"Tamatumunnga tunngatillugu ilisimasaqarluartunik inuttalimmik ataatsimiitita-liornissaq Naalakkersuisut maannakkut pilersaarutiginnigilaat. Ajornartorsiutinik tamatumunnga tunngasunik saqqummersoqassappat, taakku inatsisinik allanngueq-gittariaqarnermik kinguneqarnissaannik Naalakkersuisut isummernissaanni ilan-ngunneqarumaarput.."*

AK, GE, IMAK, NPK aamma PPK assigalugit suliaq matumani pineqartoq pillugu Anin-gaasaqarnermut Ataatsimiititaliamut sasartinneqarnissani GE-p qinnutigaa. Soraarnerussu-

tisiaqarnissamut aqqissuussinermut pinngitsoorani ilaanissaq pillugit Inatsisartut inatsisaata allanngortinneqarneranik Inatsisartut inatsisissaattut siunnersuummut (UKA 2016/19) ilutigitillugu saqqummiunneqartumut atatillugu inatsisissatut siunnersuut aamma isigineqassammat taanna aamma ilaatigut tikinneqarpoq. Tamatuma kingorna siunnersuut Aningaasaqarnermut Aatsitassanullu Naalakkersuisumit nassuiaateqarfigineqarpoq, tamatumanilu apeqquteqarnissamut ataatsimiititaliaq periarfissaqartinneqarluni. Kiisalu ataatsimiititaliap KNAPK ataatsimeeqatigaa, KNAPK-llu ataatsimiititaliamut saqqummiuppaa siunnersuut kattuffiup ilaasortaanut qanoq kinguneqassanersoq.

Kattuffinnit saqqummiunneqartut tunngavigalugit Naalakkersuisunut apeqquteqarnissaq ataatsimiititaliamit kissaatigineqarpoq. Piffissaasuaneq pissutigalugu allakkatigut akissutit siunnersuutip matuma aappassaaneerneqarnissaa sioqqullugu tiguneqarnissaat naatsorsuutigineqanngilaq. Kiisalu ataatsimiititaliamit ilisimaneqarpoq siunnersuutip pingajussaaneerneqarnissaanut allannguutissatut siunnersuummik Naalakkersuisut saqqummiussilersaartut. Taamaattumillu siunnersuummut inaarutaasumik inassuteqaatini isumaliutissiissummi matumani ataatsimiititaliap saqqummiussinnaanngilaa.

#### **5. Siunnersuutip aningaasaqarnikkut kingunerisassai**


Siunnersuutip piviusunngortinneqarnerata aningaasaqarnikkut kingunerisassai siunnersuummut nalinginnaasumik nassuiaatini immikkoortoq 3 aamma 4-mi nassuiaatigineqarput. Taakku ataatsimiititaliamit tusaatissatut tiguneqarput.

## 6. Ataatsimiititaliap inassuteqaatai


Tamanna tunngavigalugu siunnersuut Inatsisartunit akuerineqassasoq ataatsimiititaliamit isumaqatigiittumit inassutigineqarpoq.

Siunnersuut pingajussaaneerineqannginnermini ataatsimiititaliamut suliarineqaqqittussanngorlugu innersuunneqassasoq ataatsimiititaliamit kaammattuutigineqarpoq, taamaaliornikkut allannguutissatut siunnersuut Naalakkersuisunit saqqummiunneqalersaartutut ataatsimiititaliamit ilisimaneqartoq ataatsimiititaliamit isummerfigineqarsinnaaqqullugu, taamaalillunilu Naalakkersuisut ataatsimiititaliap apeqqutaanut akissutaat ataatsimiititaliap siunnersuummik suliarinninneranut ilanngunneqarsinnaaqqullugit.

Taama oqaaseqarluni isumaliutissiisummilu allassimasutut paasinnilluni ataatsimiititaliap siunnersuut aappassaaniigassanngortippaa.



Jens Immanuelson,  
Siulittaasoq




Aqqaluaq B. Egede



Suka K. Frederiksen



Steen Lynge



Tillie Martinussen



Peter Olsen



Sara Olsvig